




ՍՐԲՈՑ ՂԵՎՈՆԴՅԱՆՑ ՏՈՆԸ ՄԱՅՐ ԱԹՈՌՈՒՄ

Փետրվարի 8-ին, երեքշաբթի.—Տօն Սրբոց Ղտնդյանց քահանայից:

Սրբոց Ղտնդյանց քահանայից տոնը՝ տոն է մի խոսք հայ հոգևորականների, տոն է դարում հայոց պատմության նշանակալից ու ճակատագրական մի դեպքի՝ արդանանց հերոսամարտի ոգեշնչողներն՝ առաջնորդողներն եղան՝ կանգնած հայ-ժամանակեր նախարարների ու ուխտապահ ազնիւների կողքին:

Ս. Ղտնդյանց տոնը մասնավորաբար վերաբերվում է հայ քահանայից դասին, որովհետև սա մի տոն է, որը առիթ է տալիս քահանային տարին մի անգամ ամփոփվելու ինքն իր մեջ, խորհրդածելու, ինքն իրեն անսեմատության մեջ դնելու այն քահանայների հետ, որ Ե դարի կեսերին մեկ ձեռքում առաջ, իսկ մյուսում՝ սուր, «Վասն Յիսուսի, վասն հայրենեաց» նահատակության լուսն շրակն ընդունեցին: Այս վերհիշումները շատ ծանր կդառնան, որ հայ քահանան վերանորոգվի, լցվի սուրբ Ղտնդյանց եռանդով ու ավյունով, ոգով ու հավատքով, ծառայասիրությամբ ու զոհողության ոգով:

Պատահական չէ, որ մեր եկեղեցական հայրերը փետրվար ամսում, մեր եկեղեցական օրացույցի մեջ, գեղեցիկ մտածումն են դնեցել՝ Գասնավոր կարևորությամբ համապետելու հայ եկեղեցուն միայն հատուկ ազնային-եկեղեցական տոների շարքը, տոներ, որոնք սերտորեն կապված են հայ հավատի, հայ ժողովրդի ու հայրենիքի հետ:

Վեհափառ Հայրապետի կարգադրությամբ այս երրորդ տարին է, ինչ Ս. Ղեվոնդյանց տոնը Մայր Աթոռում նշվում է քաջադիկ հանդիսավորությամբ ու առանձին ծրագրով, որին մասնակցում են Արարատյան, Ծիրակի, Վրաստանի, Բաքվի, Հյուսիսային Կովկասի թեմերի ողջ քահանայից դասը: Այս տարի նույնպիսի կարևորությամբ նշվեց Ս. Ղտնդյանց տոնը:

Հանձնախումբը, որի կազմի մեջ մտնում էին՝ տ. Հուսիկ եպս. Սանթրույանը (նախագահ), հոգևոր ճեմարանի տեսուչ տ. Ծնորիք վրդ. Գասպարյանը և Գեղարդի վանքի վահանապետ տ. Նարեկ վրդ. Ծաքարյանը, նախապես հոգ էր տարել՝ կազմելով տոնակատարության ծրագիրը:

Ժամանում: Փետրվարի 2-ին, երկուշաբթի օրը, ժամը 12-ին, հրավիրված բոլոր քահանաները արդեն ժամանել էին Մայր Աթոռ ս. Էջմիածին և Իջման ս. սեղանի առաջ կատարել իրենց ուխտն ու աղոթքը:

Նախատոնակ: Փետրվարի 2-ին, երկուշաբթի, երեկոյան ժամը 17-ին, կատարվում է երեկոյան ժամերգություն Մայր տաճարում և ապա Ղտնդյանց Նախատոնակը՝ հանդիսավորությամբ Վեհափառ Հայրապետի:

Ն. Ս. Օծությունը քահանայից թափորով առաջնորդվում է Մայր տաճար և նախագահում՝ Նախատոնակի հանդիսությանը: Օրվա երգեցողությունը կատարում են քահանա հայրերը:

Նախատոնակից հետո քահանա հայրերին բարի գալուստ է մաղթում Մայր տաճարի փոխ-լուսարարապետ տ. Հուսիկ եպս. Սանթրոյանը, վերադառնալով Մայր Աթոռում հանդիսությանց հրավիրված քահանաների համախմբման եկեղեցական-հոգևոր նշանակությունը: Սրբազան հայրը քահանա հայրերի ժամանումը Մայր Աթոռ ողջունելուց հետո, բոլոր ներկաների անունից շնորհակալություն և երախտագիտություն հայտնեց Վեհափառ Հայրապետին՝ Նրա բարեհաճ կարգադրության համար քահանաների հրավիրման կապակցությամբ:

Հավարտ Նախատոնակի, Հայրապետական թափորը առաջնորդվում է Վեհարան: Աջահամբույրով Մայր Աթոռի միաբանությունն ու քահանայացի դասը ստանում են Վեհափառ Հայրապետի օրհնությունը:

Երեկոյան, ընթրիքից հետո, ժամը 20.30-ին, Վեհարանի դահլիճում ցուցադրվում է «Հայ տպագրությունը» կարճամետրաժ և «Հյուսիսային ծիածան» կինոնկարները: Ցուցադրությանը ներկա էր նաև հոգևոր ճեմարանի ուսանողությունը:

Ս. պատարագ և քարոզ: Փետրվարի 3-ին, երեքշաբթի օրը, առավոտյան ժամը 8-ին, Մայր տաճարում պաշտվում է առավոտյան ժամերգություն, որին մասնակցում են Մայր Աթոռի ողջ միաբանությունը, քահանայից դասը և հոգևոր ճեմարանի ուսանողությունը: Ժամերգությանը անմիջապես հետևում է ս. պատարագը:

Ս. պատարագին ներկա էր նաև Վեհափառ Հայրապետը:

Օրվա պատարագից էր Երևանի ս. Սարգիս եկեղեցու ավագերեց տ. Թադեոս քհն. Զմրուխտյանը: Քարոզեց Կիրովականի ս. Աստվածածին եկեղեցու տ. Վազգեն քհն. Կարազոյզյանը:

Դասախոսություններ հոգևոր ճեմարանում: Ժամը 13-ին Մայր Աթոռի միաբանությունն ու քահանա հայրերը հավաքվում են հոգևոր ճեմարանի հանդիսարանում, ուր կարդացվում են երկու դասախոսություններ:

Նախագահում էր տ. Հուսիկ եպս. Սանթրոյանը: Ներկա էին նաև տ. Կոմիտաս, տ. Մաշտոց և տ. Վահան թեմակալ եպիսկոպոսները և Նոր Նախիջևանի թեմի հոգևոր հովիվ տ. Գրիգորիս աբեղա Բունիաթյանը:

Բացման խոսք ասաց տ. Հուսիկ եպիսկոպոսը, նշեց օրվա քահանայական հավաքույթի կարևորությունը:

Ապա բարիգալության ջերմ խոսք ասաց հոգևոր ճեմարանի տեսուչ տ. Շնորհք վրդ. Գասպարյանը և ողջունեց քահանա հայրերի ներկայությունը հոգևոր ճեմարանի հարկի տակ:

Առաջինը դասախոսությամբ հանդես ե-

կավ Հյուսիսային Կովկասի Օրջոնիկիձե բաղադրի ս. Գրիգոր Լուսավորիչ եկեղեցու տ. Կարապետ քհն. Քիլիճյանը: Նրա դասախոսության նյութն էր՝ «Քահանայի հովվական առաքելությունը մեր կյանքի արդի պայմաններում»: Դասախոսությունը, որ պատրաստված էր խմանքով, ունկնդրվեց հետաքրքրությամբ:

Երկրորդ դասախոսությունը կարդաց Բաքվի հայոց ս. Գրիգոր Լուսավորիչ եկեղեցու ավագերեց տ. Գրիգոր քհն. Անանյանը, որի նյութն էր՝ «Ավետարանը և ժողովրդի բարոյական դաստիարակությունը»: Դասախոսությունը սիրով ունկնդրվեց ներկաների կողմից:


Ժամը 15.30-ին Վեհափառ Հայրապետը բարեհաճեց Վեհարանի մուտքի առաջ լուսանկարվել քահանա հայրերի հետ:

Ժամը 16-ին միաբանական սեղանատանը ճաշկերույթ է տրվում՝ ի պատիվ քահանա հայրերի:

Ժամը 18-ին, հավարտ երեկոյան ժամերգության, ճեմարանի դահլիճում տեղի է ունենում զրույց և կարծիքների փոխանակություն եկեղեցական, ծիսական և հոգևոր դաստիարակության հարցերի շուրջ, որին մասնակցեցին բոլոր քահանա հայրերը՝ ելնելով իրենց եկեղեցական, ծիսական գործունեության փորձից: Սույն զրույցը և կարծիքների փոխանակությունը վարեց տ. Շնորհք վրդ. Գասպարյանը:

Զրույցի ավարտին տ. Հուսիկ եպիսկոպոսը գոհունակություն և շնորհակալություն հայտնեց ներքին թեմերի բոլոր քահանա հայրերին, որոնք սիրով ընդառաջել էին Մայր Աթոռի հրավերին և եկել՝ միասին տունելու Ս. Ղևոնդյանց տունը և հոգևոր հայրենասիրական նոր լիցք ստանալու համար: Նախագահող սրբազանը սրտագին հաջողություններ մաղթեց բոլոր քահանաներին՝ իրենց եկեղեցաշեն ու հայրենակներ գործունեության ասպարեզում, շնորհավորելով մասնավոր երկու քահանա հայրերին՝ նրանց պատրաստած դասախոսությունների բարձր մակարդակի և բոլոր քահանա հայրերին՝ իրենց սիրալիք մասնակցության համար զրույցին և կարծիքների փոխանակությանը: Խմբովին երգված «Հայր մեր»-ով ավարտվում է օրվա հանդիսությունը հոգևոր ճեմարանի հարկի տակ:

Վեհափառ Հայրապետի մոտ: Ժամը 21-ին, ընթրիքից հետո, Վեհարանի ընդունարանում Ամենայն Հայոց Հայրապետը բարեհաճեց ընդունել քահանա հայրերին՝ տալու Իր հայրապետական օրհնությունն ու պատգամը Սրբոց Ղևոնդյանց քահանաների տոնի առթիվ Մայր Աթոռ ուխտի եկած ներքին թեմերի քահանայից դասին:



ՎԵՐԱԲԵՐ ՀԱՅՐԱՊԵՏԸ ՔԵՆՏՐԱՎԱՆ ԱՌԱՋՆՈՐԴՆԵՐՈՎ, ՄԱՅՐ ԱԹՈՌԻ ՄԻԱԲԱՆՆԵՐՈՎ ԵՎ ՀԱՆԴԻՍՈՒԹՅԱՆ ՄԱՍՆԱԿԻՑ ՔԱՆԱԿԱ ՀԱՅՐԵՐՈՎ

Ներկա էին Մայր Աթոռի միաբանությունը, տ. Կոմիտաս, տ. Մաշտոց, տ. Վահան Խաչիսկյանները:

Տ. Հուսիկ եպիսկոպոսը խոսելով օրվա աշխատանքների նշանակության մասին, խնդրեց Վեհափառ Հայրապետին տալ Իր օրհնությունն ու պատգամը:

Նորին Սրբությունը ջերմորեն ողջունեց Վեհափառությունը թեմակալ առաջնորդների, Մայր Աթոռի միաբանության և քահանայից պրիստիի Իր խոսքի մեջ շեշտեց քահանայական առաքելության բարոյական գեղեցկությունը և նշանակությունը մեր ժողովրդի կյանքում, ապա կոչ արեց մնալ հավատարմիս իրենց ուխտին, հավատով ծառայել Աստծուն և հավատացյալ հայ ժողովրդին, Իրոքի հոգևոր սպասավորության են կոչված:

Արդարև, վսեմ է քահանայի կոչումը: Քահանայությունը սրբազան ծառայություն է, մեկնարկական և բարձրագույն կոչում, որ, ինչպես նշել է Ներսես Շնորհալի Հայրապետը, Մասնավոր հրեշտակներին իսկ չվստահեց, մեզեց Հայոց Հայրապետը: Ուրեմն ամեն մի քահանա պարտավոր է խղճմտանքով կատարել իրեն վստահված սուրբ գործը՝ ի շինություն հայ ժողովրդի հոգևոր կրթության և ի պայծառություն մեր սուրբ եկեղեցու:

Իր պատգամի ավարտին Հայոց Հայրապետը բաշխելով Իր օրհնությունը բոլոր ներկաներին, բարեմաղթեց, որ պրահից հետո ևս ներքին թեմերի քահանա հայրերը հաջողությամբ և պատվով կատարեն իրենց հանձնված՝ մեր ժողովրդի հոգևոր, հայրե-

նասիրական, դատարարական պատասխանատու գործը և լինեն «մշակք առանց ամօթոյ», մտատիպար ունենալով միշտ Ղեկնչանց քահանաներին, որոնց նահատակությամբ «պայծառապես լուսաորեցան եկեղեցիք Հայաստանեայց»:

Հանուն քահանա հայրերի, Արարատյան թեմից տ. Զարեն քհն. Բաամանյանը որդիական երախտագիտության և շնորհակալության խոսք է արտասանում՝ ողղված Վեհափառ Հայրապետին, Նրա հայրական ջերմ վերաբերմունքի ու բարձր հոգատարության համար:

Նորին Սուրբ Օծությունը այս առթիվ բոլոր քահանա հայրերին նվիրում է Մայր Աթոռ ս. Էջմիածնի տպարանում վերջերս հրատարակված Նոր Կտակարանի (չորս Ավետարաններ և Գործք առաքելոց) աշխարհաբար թարգմանության մեկական օրինակ:

Սրբոց Ղեկնչանց տոնի առթիվ Մայր Աթոռում կազմակերպված միջոցառումները ավարտվում են Վեհափառ Հայրապետի «Պահպանիչ»-ով ու խմբովին երգված «Հայր մեր»-ով:

Հաջորդ օրը, փետրվարի 4-ին, առավոտյան, քահանա հայրերը հրաժեշտ են առնում Վեհափառ Հայրապետից ու Մայր Աթոռից և մեկնում իրենց ծառայության դաշտը՝ շարունակելու համար իրենց լուսավոր առաքելությունը ի պայծառություն Հայաստանյայց եկեղեցու և հայ ժողովրդի:

ՆՈՎՀԱՆՆԵՍ ՍՐԿ. ԳԸՎԸԳՅԱՆ

